

**Sekretáriu Estadu Konselhu Ministrus
no Porta-Vóz Ofisiál Governu Timór-Leste
Ágio Pereira**

**14 Janeiru, 2010
Dili, Timór-Leste**



Governu la sekunda Sino Green Land ni asersoens ka supozisoens iha deklarasaun ba média

Governu hakfodak ho deklarasaun media ne'ebé fahe barabarak ona husi kompanhia ida naran Sino Green Land. La iha membru Governu nian ida mak apoia, sekunda, tulun ka aprova kualkér akordu kooperasaun ida ho Sino Green Land hamutuk ho 'representantes lokais', ne'ebé dehan katak halo parte membrus setór privadu, atu halo importasaun produsus freskus.

Nune'e mós, la iha produsus hanesan hirak ne'ebé alista iha komunikadu imprensa ne'ebé Sino Green Land halo, mak bele husik tama iha Nasaun ne'e; tanba Timór-Leste iha leis/regulamentus kona-ba kuarentena ne'ebé rigorozus tebes.

Governu halo avansus barak ona no tau rekursus ne'ebé natón atu promove dezvoltimentu merkadu lokál, aumenta fornesimentu agríkola rai laran nian, buka muda agríkultura subsistênsia ba agríkultura ne'ebé orienta liu ba merkadu lori aselera dezvoltimentu ekonómiku ba comunidades tomak.

Governu sei la apoia kualkér proposta investimentu ne'ebé bele kria fali desvantajen ba ami nia progresu iha agríkultura, ka tau iha risku ami nia agríkultores lokais no merkadus.

Deklarasaun ambígua ne'ebé kompanhia halo ne'e, la loos í la tuir realidade; Governu fó hatene ona ba representantes relasoens públikas Sino Green Foods nian katak tenke dada tomak fali nia deklarasaun ne'e. **FIN**

Atu hetan tan informasaun favór kontakta:

Ágio Pereira +670 723 0011
E-mail: agiopereira@cdm.gov.tl

Gov TL Media
E-Mail: govtlmedia@gmail.com

KOMUNIKADU BAA IMPRESA